

Bosna i Hercegovina
Federacija Bosne i Hercegovine
KANTON SARAJEVO-OPĆINA ILIJAŠ
JAVNA USTANOVA OSNOVNA ŠKOLA "HAŠIM SPAHIĆ" ILIJAŠ
Ul. Krajiška bb, 71 380 Ilijaš
e-mail:oskolahs@yahoo.com

Na osnovu člana 2. Pravilnika o javnom nadmetanju i prikupljanju ponuda javnim oglasom u postupku davanja u zakup školskih prostorija broj: 01-477/18 od 17.04.2018. godine, Odluke Školskog odbora o provođenju postupka javnog nadmetanja za zakup školske kuhinje broj: 01-665/19 od 20.05.2019. godine, JU Osnovna škola „Hašim Spahić“ Ilijaš objavljuje,

**Javni poziv za dostavljanje pismenih ponuda
za odabir najpovoljnijeg ponuđača
za zakup školske kuhinje**

I

Predmet ovog javnog poziva je davanje u zakup prostora školske kuhinje koja se nalazi u prizemlju školske zgrade, ukupne površine 7,80 m².

Prostor školske kuhinje iznajmljuje se namjenski za školsku kuhinju.

II

Kuhinja se izdaje u zakup za period od 01.09.2019. do 30.06.2020. godine.

Zakup se neće plaćati za vrijeme zimskog raspusta.

III

Pravo učešća na ovaj poziv imaju sva pravna i fizička lica koja su registrovana za obavljanje ugostiteljsko-uslužne djelatnosti pružanja prehrambenih usluga u vidu užine što će dokazati izvodom iz sudskog registra i posjedovanjem međunarodnog certifikata HACCP.

IV

Ponuda za zakup prostora u svrhu školske kuhinje treba da sadrži:

- Tačan naziv, adresu i broj telefona ponuđača,
- Ponuda otkucanu na A4 papiru sa oznakom firme, memorandumom firme, pečatom i potpisom, a koje će sadržavati sljedeće podatke:
 - Pecivo:
 - kifla (minimalno tri vrste sa težinom i cijenom),
 - peciva izrađena od integralnog brašna uz dodatak sjemenki,
 - sendvič sa mliječnim namazima (minimalno tri vrste sa težinom i cijenom),
 - sendvič sa dodatkom povrća (minimalno tri vrste sa težinom i cijenom).
 - Pite iz asortimana proizvodnje (sa težinom i cijenom),
 - Svježe voće,
 - Negazirani sokovi isključujući energetske napitke (sa količinom i cijenom)

Napomena: U asortimanu ponuđenih proizvoda isključiti sve proizvode nezdrave hrane (čips, smoki, pomfrit i sl.)

- Izvod iz sudskog registra i Uvjerenje o poreznoj registraciji (ID broj) – ovjerena kopija,
- Dokaz o posjedovanju HACCAP certifikata, HALAL certifikat, ISO 9001:2015 i ISO 14001:2015 – ovjerena kopija,
- Izjava ponuđača da će poslovni prostor uzeti u viđenom stanju i isti privesti namjeni sopstvenim sredstvima,

- Izjava ponuđača da troškove popravke, adaptacije i održavanja preuzima na svoj teret bez prava refundiranja po bilo kom osnovu, odnosno bez prava umanjenja mjesečne zakupnine po osnovu uložених sredstava,
- Ponuđeni iznos mjesečne zakupnine,
- Reference o dosadašnjem radu.

V

Jedan ponuđač može dostaviti samo jednu ponudu.

VI

Ponuđeni iznos mjesečne zakupnine ne može biti manji od 350,00 KM (tristotinepedeset i 00/00 KM).

Prostor kuhinje se može pogledati svakim radnim danom od ponedjeljka do petka u vremenu od 10,00 do 14,00 sati.

VII

Prvenstvo pri odabiru će imati ponuđači koji budu imali najpovoljniju ponudu cijene zakupnine, najširi asortiman ponuđenih proizvoda i njihovih cijena u odnosu na tražene zahtjeve.

Izabrani ponuđač je u obavezi biti registrovan u fiskalnom sistemu i redovno izdavati fiskalne račune.

Škola posjeduje servirku u školskoj kuhinji koja je radnica škole sa radnopravnim statusom na neodređeno vrijeme.

VIII

Prava i obaveze između ugovornih strana regulisat će se ugovorom.

IX

Zapečaćene ponude sa naznakom „Prijava na Javni poziv za zakup prostora školske kuhinje – ne otvaraj“, lično ili putem pošte, ponuđači mogu dostaviti na adresu: JU Osnovna škola „Hašim Spahić“ Ilijaš, ul. Krajiška bb, 71380 Ilijaš.

Rok za podnošenje prijave na Javni poziv je dvanaest dana od dana objave. Rok za dostavljanje ponuda ističe 03.06.2019. godine u 10:00 sati.

Javno otvaranje ponuda obavit će se u ponedjeljak, 03.06.2019. godine u 10,30 sati u školskoj biblioteci.

Otvaranju ponuda mogu prisustvovati ovlašteni predstavnici ponuđača.

Postupak izbora najpovoljnijeg ponuđača će provesti komisiju koju je imenovao Školski odbor.

Neblagovremene ili neuredne ponude neće se uzimati u razmatranje.

U roku od sedam (7) dana od održanog javnog otvaranja ponuda, direktor škole na prijedlog komisije će donijeti odluku o izboru najpovoljnijeg ponuđača i istu dostaviti ostalim ponuđačima koji su učestvovali u postupku.

Sve potrebne informacije za Javni poziv se mogu dobiti radnim danom na telefon 033/400-458 ili lično kod sekretara škole.

-Javni poziv objavljen na web stranici škole dana 22.05.2019. godine-